

[0564]

81. *bysblok*

bysblok 'blakstil' hat as foarste lid *bys-*, dat neffens my ien en mien is mei nnl. (dial.) *bijs* 'wynbuoi' (*WNT II*², 2671), mfrank. *bis* 'snjitter út it Noarden', âsaks. *bîsa* 'twjirre', âhd. *bisa.*, mhd. *bise*, nhd. *Biese*, *Bise* 'wyn út it Noardeasten'. De germaenske wurdstamme **bis* stiket ek yn it tiidwurd âhd. *bîsôn* 'omjachtsje', mhd, nhd. (dial.) *bisen* 'omflechtsje, wyld omflean (fan fé dat troch baumiggen stutsen wurdt)', âsweedsk *bisa* 'rinne', deensk *bisse* 'wyld drave', nijfrysk *biizje* 'bauje, jachtsje'.

It twadde lid *-blok* komt oerien mei nnl. *blak-* yn *blakstil*, Kiliaen *black* 'flak', flaemsk *blak* 'sljocht, igael, bleat, keal'; ier nhd. (Luther) *blach* 'flach', litauk *blakas* 'lyk', letlânsk *blaks* 'effen, flak, glêd; spegelglêdde sé'. Dat *bysblok* bitsjut sadwaende 'wynstil'.

Sjoch foar it foarste diel fan 'e gearstalling *bysblok*: F. Kluge, *Etym. Wb. der deutsche Sprache*²⁰, Berlin. 1967, s. 79 en J. Pokorny, *Idg. etym Wb.* 162 (ydg. **bhīs-*), wylst J. de Vries, *Ned. etym. Wb.* 1971, s. 62 it bêste oersjoch oer de wurdskiednis fan *blak-* (nfrysk *-blok*) jowt.